

吉安府志卷之二十八

中憲大夫知吉安府事

藝文傳

胡元龜 劉洞 李家明 伍誥 劉敏求

劉過 蕭介夫 蔣槩 蕭環 梁材

王伯芻 王泰來 劉子澄 歐陽鉄 龍仁夫

馮翼翁 張埴 張櫟 劉岳申 郭彥章

吉安府志

藝文傳

一

周志遠 段所 陳昌積 周仕

胡元龜永新人少有俊才嘗過邑宰宰見其風貌環  
偉欲窮所學指屏間戲珠龍索詠元龜立成有翻  
身騰白浪撇瓜攫明珠之句意蓋有所諷也宰大  
愧服後射策入官授文思房副使

劉洞廬陵人少游廬山事陳貺爲詩精思入玄或浹  
日忘盥廢食貺卒猶居山二十年其詩長於五言  
自謂其得賈浪仙之體後主卽位金陵獻詩百篇  
其石城懷古云石城古岸頭一望思悠悠幾許六

朝事不禁江水流後主爲之改容掩卷不復讀其  
餘洞俟召久不報遂還與夏寶松陳甫蔣筠交爲  
詩洞嘗賦夜坐寶松嘗賦江城夜宿人多傳誦之  
至爲之語云螺水舊傳劉夜坐文川新有夏江城  
會金陵受圍洞爲詩置諸路傍云千里長江皆渡  
馬十年養士得何人開寶八年卒遺集行世今金  
陵有劉公廟蓋祀洞云寶松吉水人其宿江城詩  
云鴈飛南浦砧初動月滿西樓酒半醒陳甫亦吉  
水人有贈黃巖公詩云清時不作登科客綠鬢梳

吉安府志

藝文傳

二

梳傍草堂文章江卽秋詩一雨洗殘暑萬家生早  
涼村居詩暮鳥歸巢急寒牛下壠遲時人傳誦以  
爲清勁

李家明泰和人滑稽名重一時生南唐時降志爲伶  
官常侍嗣主嗣主遊後苑臺望鍾山曰鍾山雨勢  
來矣家明曰雨雖來不敢入城嗣主恠問之對曰  
懼陛下重稅嗣主悟遂令榷務降其半征之又見  
牛晚卧樹陰嗣主曰牛且熱矣家明卽上絕句曰  
曾遭甯戚鞭笞角又被田單火燎身閑背斜陽嚼

枯草近來問喘更無人時宰臣皆慚色嗣主一日  
與近臣同釣苑中惟嗣主釣不獲家明見嗣土色  
不豫上詩曰玉甃垂鈎興正濃碧池春暖水悠容  
凡鱗不敢吞香餌知道君王合釣龍嗣主喜極懽  
而罷宋齊丘只產一子輒死痛哭踰月同僚屢解  
之不止家明日我能止之遂作大紙鳶書其上曰  
欲興唐祚革強吳盡是先生設計謨一箇孩兒拚  
不得讓皇百口合何如乘風放之度至齊丘第絕  
縷令墜齊丘見之慚感而止世疑家明生亂國賢  
而隱于下位者也

伍誥字純甫安福人聰敏博學才思天成如泉湧川  
赴旣大肆厥辭祖孟軻司馬子長文雄渾獨步當  
時登治平進士知石城王安石薦其文行過人起  
爲諸王宮教授性剛介寡合人多忌之其咏月詩  
云扁舟何日江南岸與子歸來竹一竿東坡亟賞  
之以爲不減予半篙新漲百灘空之句云

劉敏求字好古泰和人工于詩每得句寄興高遠自  
號松菊老人嘗過豫章題滕王閣云閣中環珮知

何處游子再來春欲暮鶯啼紅樹柳搖風疑是當年舊歌舞古來興廢君莫嗟君看紅日西山斜西山不改舊顏色換盡行人與落霞山谷稱賞再三以此知名詩文行于世頗多

劉過字改之泰和人自號龍洲道人生宋南渡後以詩俠名湖海閒陳亮陸游辛棄疾世稱人豪皆折氣岸與之交宰相周必大聞其名欲客之門下不就飲酒放豪如過杭州登多景樓有山外青山樓外景及斗酒彘肩風雨渡江之詞至今傳誦叩閭

吉安府志

藝文傳

四

一書請光宗過宮辭意懇婉聲重一時嘗以書干用事者陳恢復方畧謂中原可一戰而取不聽以是落魄無所遇合晚年欲航海抵崑山友人潘友文留之尋卒于崑山

蕭介夫字純臣泰和人性不羈爲文援筆立就當宋英宗朝中鄉舉以恩免特奏辭主簿常作將進酒歌云勸君莫剪黑山慮剪得黑山竟何補勸君莫勒燕狀石勒得燕狀又何益百年歲月能幾何螢燭光中都瞬息我今安得萬丈梯騰騰直上天街

墀剪折金烏翹截下王兔蹄使玉兔不能走金烏  
不得飛狀後舉泰山爲肉林東海爲酒池君不見  
吳王臺下秋風悲金谷園中春草衰不如相逢且  
飲酒齊聲拍掌大唱金縷衣人爭傳誦以爲可北  
玉川子茶歌官終萍鄉簿

蔣槩字康叔龍泉人皇祐己丑進士舉賢良見斥移  
巴東令治平己巳京師大水百官乘筏入朝詔求  
直言槩上疏推本洪範箴諷朝政闕失不報去遊  
河朔語其友廩延劉斧曰丈夫當立功絕域封侯

吉安府志

藝文傳

五

萬里豈甘隨羣老死青衫中哉嘗登權州北門賦  
詩曰壯士未酬志乘秋感慨多幽燕新種落唐漢  
舊山河塞月沉青塚邊聲起白波如何得萬騎玉  
壘夜經過讀其詩迹其平生蓋亦慷慨士

蕭瓌字國器泰和人有詩名善真行書妍媚可愛人  
爭慕效之自號玉溪老人靖康建炎間糾合義兵  
勤王境內劇盜多所平定以累舉授泗州文學不  
赴有詩千餘篇名玉溪集先是建炎丁未中秋太  
守方公以□□王待制李龍圖在郡大設宴集妓

張樂以誇令節托瓌作詞遂作滿庭芳諷之有且  
照尊前見在兼照沙漠征行之句太守見詞悵狀  
傳示一二貴客皆大息泣下遂罷會時坐中有不  
悅者會有旨凡宴不得用妓樂乃大服瓌言

梁材字景節龍泉人甫冠有文名大觀間應詔上書  
規切時政用事者惡其語罷歸尤工樂府與胡忠  
簡王庭珪友善

王伯芻字駒父廬陵人博洽工文辭喜藏書六經諸  
史時時讐校訓詁旁及釋老多肆覽成口於前賢

吉安府志

藝文傳

六

人系次行熊必推見本未家故貧持文自資耻詭  
隨交游爲利旣任教諭徙州學錄能舉其職楊誠  
齋稱爲淮海文士謝尚書諤湯舍人邦彥劉袁州  
清之皆推其文雅自號率齋所著有史法雜著十  
卷詩詞十卷五代詠史詩二百篇雜紀一篇

王泰來字大初廬陵人能詩詩必更鍊成令不廁一  
嘗語篇中直等夷唐人高者劉會孟事泰來學詩  
久之謂人曰郡八邑非無詩能與西山並而馳者  
鮮矣王門世顯貴而獨泰來困約無所知遇晚當

家禍殊劇既貧且病而詩愈益工嘗夢游大酉山下故命名其詩之集曰大酉山白雲

劉子澄字清叔泰和人嘉定間進士嘗爲匹簿知棗陽後較畫史厓軍事爲賈似道所忌連貶子澄負俠氣劉將孫稱其有史才其論文欲出韓柳歐蘇上曾居趙葵幕府席上賦鹿分韻得方字云世間此物多爲馬寶劍還宐出上方又賦雪得蠅字云自恠神仙騎白鳳不教天地點青蠅壯歲爲建安眞氏門人後隱廬山而終所著有玉淵藁及平淮

吉安府志

藝文傳

七

疏補史行于世

歐陽鈇字伯威廬陵人善屬文尤長詩詞累舉弗售王庭珪劉承弼楊愿皆以能詩高世獨推鈇嘗比之孟襄陽賈長江云楊誠齋叙鈇脞詞至手書誦其警句鈇嘗著遇讒詞蜂螫蜘蛛賦胡忠簡一見稱之不容口繇是鈇以詩豪重一時鈇爲人有氣槩狀於物坦平不設町畛人故樂與游鈇亦無所讓擇周益公在政府數欲官鈇謝曰使吾數口無幾差可卒歲奈何以虛名自煩苦乎自號寓菴所

作有謾誠遣興暮景自娛松筠等五篇雜著五卷  
見聞錄二卷

龍仁夫字觀復永新人博學好古潛心理道深探濂  
洛關閩之奧經傳子史律曆陰陽靡不精究官湖  
廣儒學提舉晚居黃岡嘗與呂文煥及呂氏諸子  
弟宴琵琶亭賦詩有江心正好看明月却抱琵琶  
過別船之句坐客皆掩泣罷酒其忠義之能激人  
如是所著周易集傳八十卷立說主本義每卦爻  
下各分變象辭古謂雜卦爲古筮書春秋傳所引

吉安府志

藝文傳

八

屯固比入坤安震殺皆以一字斷卦義此類是也  
孔子存之以爲經羽翼初非創作其言蓋先儒所  
未發者鄱陽董眞卿集周易會通於仁夫之說多  
取焉爲文章與廬陵劉岳申並名而奇逸流麗過  
之學者稱麟洲先生

馮翼翁字子羽永新人師水窓劉先生造詣益深登  
第授漢陽縣丞歷官撫州守所著有春秋集解春  
秋大義士禮考正性理羣書十七卷通鑑小錄考  
索類要正統五德類要三十四卷古書正譌讀書



纂要法家源流異政錄十一卷又合左傳戰國策史記漢書韓柳歐蘇八家爲文章旨要八卷所自撰詩賦序記銘贊雜著二十卷劉岳申忘其墓謂永新以三馮瑞其鄉蓋其父魯山先生與其弟獎翁並以文學稱

張埴字養直吉水人少孤家貧篤志力學雖飯牛刈薪亦挾冊讀之族之長者過焉聞書聲荆榛中視之乃埴也心大奇之因令與諸子共學穎悟絕人爲詩文有奇氣風骨早遊湖湘間詩名大起客有

吉安府志

藝文傳

九

以詩自豪者以兩語挑之令屬末韻埴應聲曰夜靜莫吟崎嶇句恐驚明月墮波寒其人遂駭服一日有詩指切時宰守帥趙葵聞之撫几嘆曰張埴天下奇士也欲薦之力辭不就

張櫟字君材廬陵人工詩如古體五七言雜言近體雖不稍模擬無不似唐人者吳澄序其詩謂君材通古今多學多藝吾觀其人當以才顯不當以詩窮云

劉岳申字高仲吉水人仕至遼陽縣副提舉以泰和

州判致仕其文辭簡約峻潔爲吳澄□集所推重  
遠近學者師宗之稱申齋先生所著有申齋集行  
于世

郭彥章吉水人與劉桂隱劉申齋講學有詩名題廬  
陵義士傳詩云淮海風迴吹血腥青原不改舊時  
青中朝將帥論功賞不及江南一白丁題新淦劉  
貞女詩云百年節義仗英豪一死翻憐女子高不  
敢高歌題卷上轉喉恐觸舊宮曹其他吟咏皆有  
警句爲時傳誦

吉安府志

藝文傳

十

周志遠吉水人凝重寡言篤學尤工五七言詩以危  
大僕薦說書太子宫一日母以書召之歸志遠飄  
然南去志遠生元狀其心若有不自得者嘗  
自贊其像曰十年塵土變形容惟有丹心日月同  
北海子卿羝不乳未應已在畫圖中

段所字原中永新人性峭直高朗善詩隱居山中鑿  
池架屋日吟咏自適其間人稱舫軒先生所著有  
鷺殷集龍心源序之摘其露冷銅盤秋色老天際  
銀河一絲小之句謂可追李長吉遺調云

陳昌積字子虛泰和人自幼日誦千餘□試以偶對  
應聲而就既長於六家九流之書無□不讀其爲  
文必摹擬先秦史漢以爲工舉鄉試第一登進士  
授禮部義制主事直內閣管理誥勅陞尚寶司丞  
兼翰林院五經博士是時 內廷修禱祠典甚嚴  
輔臣奉 命製詞多屬昌積具草進 御覽輒稱  
善以是文名重于京師已而罷歸益肆力於詩文  
剴劂瓌瑋郡中士大夫攻詞藝者莫不斂衽屈服  
所著有兩湖全集同邑康恕廬陵吳炳皆領鄉薦

吉安府志

藝文傳

十一

工古文詞詩律與昌積友善而名稱亦相匹亞焉  
恕官漳浦令炳瀘溪令

周仕廬陵人舉于鄉授縣令有治行召爲虞部主事  
棄官歸潛心詩文力追古作者工行草書與永豐  
吳布衣成友善布衣莊臨之或引義面斥而仕折  
節愈恭人以故益賢之其操執堅確蓋不獨文人  
爾矣

蕭士瑋 曾大奇 趙善鳴 張文龍 賀中男

金光弼 鄒匡明 王 禫

蕭士瑋字伯玉號三峨泰和人萬曆壬子舉於鄉丙辰成進士壬戌殿試授行人司行人崇禎壬申改南太理寺評事遷禮部主事江寧諸僧寺習爲浮兢詩酒紈袴轉相慕效瑋至一繩以法瑋風度簡遠爲園於柳溪選石置亭極林泉之勝閉戶著書未嘗一接雜賓錢宗伯謙益謂瑋無俗情無俗務無俗交無俗文無俗詩庶幾彷彿其爲人所著有

吉安府志

藝文傳

十二

春浮園集五卷口錄若干卷行世弟士瑀士珮皆好學能文

曾大奇字端甫泰和人號需堂博學通經史百家嘗題座右一詩云鏡裏蕭蕭白髮疎功名那復到樵漁從今但築祈年觀更讀人間未見書其好學不倦如此所著治平言通翼諸編藏于家子文饒字堯臣儀觀頎偉胸次磊落好獎拔士類所居車馬填溢爲文如出水芙蓉自狀可愛有浣花居小品行世其時如劉捷歐陽友奇皆與齊名

趙善鳴字和甫號鳳日廬陵人登辛卯賢書授彭澤教諭聘分典蜀闡曆枝江宛平令遷刑部恤刑江北釋疑獄四伯餘人善鳴少穎慧能文多著作尤長於詩有信古志學慎獨克己四則爲時傳誦張文龍號在田萬曆壬辰選貢歷長山壽寧兩縣知縣生平篤孝友善詩文有問松集鳴和編燕齊閩粵吳楚諸遊集尤善真草書年八十卒

賀中男字可上永新人生有夙慧一日十行俱下以神童受知太守汪可受及長于經史百家天文律

吉安府志

藝文傳

十三

曆以逮內典野乘術數之書靡不博洽尤究心當世兵刑錢穀鹽屯水利馬政諸要務欲以天下爲己任足跡所至吳楚閩浙齊魯燕趙之間名公鉅卿若鍾伯敬惺譚友夏元春劉孝則同升輩皆折節定交其爲今古文詞縱橫曲折無不如意時人比之子瞻所著經濟名臣錄憂內集奏疏藁藏於家居常敦行誼事繼母至孝鬻產出弟于獄卒數年督學侯峒曾檄祀鄉賢子善來亦有才名

金光弼字右辰永新人生而穎異年十二補弟子員

善賦詩屬古文詞博聞強記旁及百家其于古今興亡天下刑勢無不瞭狀尤達當世之務好談兵籌九邊事鑿鑿可見之施行入北雍大司成傅公新德與語驚異曰有才如此困于縫掖吾輩端坐而稱師豈不媿哉才名滿天下數其不售生平著述數十萬言有功臣傳旁觀錄及金竺山房詩集鄒匡明字子尹安福人四山先生第四子也負才力學爲大學生嘗歷南北雍兩中副榜一擬解元不果第已乃棄去遊學于燕趙齊楚間性孝友與人

吉安府志

藝文傳

十四

無畛域爲季父後得所遺七千金施予立盡常過宐黃出三十萬文爲涂氏子酌逋涂氏子素未常識公也其豁達類如此邑北濱大江涉者若之四山先生倡建鳳林橋功未竟公罄其家給之復不足至於披緇乞助人橋賴以成歿祀鄉賢所著有苦竹淡竹法雲翰音駢語等集同邑趙士康讀書目十行下長詩古文辭後學有疑義及古事皆折衷之所著有蟬吟詩可矣軒覽古彙編桃源日德

王禫號方塘安福人博學多聞師事鄒文莊義論侃侃不阿所私時王大常劉徵君頽修郡志紀次頗嚴禫以羅文毅不入理學往復辯論及議謚又力言解學士不得謚爲恨江陵歿爲文祭之中有養士道衰直臣氣喪薄于父私于子等語年九十卒所著有墨莊一**藏**人物考諸書藏于家

吉安府志卷之二十八 畢

吉安府志

藝文傳

十五